

Ժողովուրդ

110
(2776)

29 հունիսի շաբաթ 2023
տպագրության ԺԲ տարի

Է. Երեւան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com


100 դրամ

ԲԱՑՕԹՅԱՆ ՍՐՃԱՐԱՆ. ՎԱՅԵԼՔՆԵՐ՝ ԽՈՐՀՐԴԱՐԱՆՈՒՄ



Հայրենի իշխանությունները որոշել են խորհրդարանը վերածել ժամանցի վայրի: Իշխող քաղաքական ուժի նախաձեռնությամբ՝ ԱԺ բախում բացօթյա սրճարան կբացվի: Թե որքանով է արդյունավետ ծախս անել եւ մի քանի ամիս աշխատելու համար բացօթյա սրճարան կառուցել, դժվար է ասել: Համենայնդեպս, ԱԺ ճաշարանի աշխատակիցները մշտապես դժգոհում են քիչ ամբարձրից: Այս օրերին ԱԺ-ում վերանորոգման աշխատանքներ են ընթանում, ԱԺ բակը քարուքանդ են արել, որպեսզի բացօթյա սրճարան կառուցեն: «Արմլուր»-ի տեղեկություններով՝ ԱԺ նախագահ Ալեն Սիմոնյանը հանձնարարել է, որ մինչեւ ԱԺ նոր նստաշրջանի մեկնարկը՝ սեպտեմբերը, սրճարանն արդեն պատրաստ լինի: Հավանաբար խորհրդարանականները որոշել են աշխատանքը համատեղել ժամանցի հետ. երբ շատ աշխատելուց հոգնեն, իջնեն դուրս՝ ԱԺ սրճարան՝ հանգստանալու եւ սրճելու: «Ժողովուրդ» օրաթերթը դիմեց ԱԺ հասարակայնության հետ կապերի եւ հաղորդակցության վարչության պետ Լաուրա Անտոնյանին՝ հասկանալու, թե ինչ նպատակով եւ ինչ միջոցներով, որքան գումար է ծախսվում սրճարանը կառուցելու համար, բայց դեռ արձագանք չկա: Տեղեկացանք, որ լրատվական ծառայության ղեկավար Լաուրա Անտոնյանը, ԱԺ աշխատակազմի ղեկավար Դավիթ Առաքելյանը, պատգամավոր Հասմիկ Հակոբյանը եւ ԱԺ նախագահի խորհրդական Աշխեն Հայրապետյանը մեկնել են Հունաստան՝ հանգստի: ԱԺ նախագահ Ալեն Սիմոնյանը Իբիցայում է եւ հրապարակավ կարծիքներ է հավաքում իր նոր ակնոցի վերաբերյալ՝ «Սազո՞ւմ է»: Այո՛, սազում է, գնե՛ք, միայն այլ գնումներ չցուցադրեք: **Հ. Ուշ երեկոյան ԱԺ հասարակայնության հեն կապերի եւ հաղորդակցության վարչության պետ Լաուրա Անտոնյանը մեզ փոխանցեց, որ այն լինելու է բացօթյա ճաշարան:**


Երեւանի նախկին քաղաքապետ Հայկ Մարությանի շրջապատի որոշ ներկայացուցիչներ ջանք չեն խնայում համոզելու, որպեսզի վերջինս հայտարարի Երեւանի ավագանու ընտրություններին մասնակցելու մասին: Ըստ մեզ հասած լուրերի՝ այս առումով հատկապես ակտիվ են նրա նախկին խոսնակ Հակոբ Կարապետյանն ու Արտակ Գասպարյանը՝ Արտաշուկը, որը նախկին «կալվենշիկ» է ու հայտնի է Ռուսաստանում իր կապերով (նա կարճ ժամանակ զբաղեցրել է նաեւ Նիկոլ Փաշինյանի՝ հասարակական հիմունքներով խորհրդականի պաշտոնը): Ըստ շրջանառվող լուրերի՝ Հայկի քաղաքական թիմի ու ավագանու նույնիսկ նախնական ցուցակ կազմելու հարցում են դժվարանում. գործընթացն ընթանում է շատ դանդաղ ու անհաջող. նույնիսկ Մարությանի շնորհիվ հանկարծ լուրջ պաշտոն ստացած մարդիկ են ցրվել տարբեր կողմեր ու չեն ցանկանում կոմֆորտ գոտուց դուրս գալ եւ դառնալ ընդդիմություն այս իշխանություններին, կարճ ասած՝ «թեղ են Հայկի թիմից»: Հանրային կարծիք ուսումնասիրող ընկերություններից մեկի մեր աղբյուրը փոխանցեց, որ Հայկ Մարությանի կողմից թեկնածությունն առաջադրելու մասին հայտարարությունն ուշացնելն արդեն իսկ լրջորեն ազդել է նրա վարկանիշի վրա, մասնավորապես՝ անցած շաբաթ անցկացված հարցումները ցույց են տալիս, որ նրա վարկանիշը գրանցել է ամենացածր մակարդակը՝ վերջին երկու տարիների նմանատիպ հարցումների համեմատ, ու օգոստոսին, ամենայն հավանականությամբ, նա այլեւս չի լինի երկրորդ տեղում:



«Ժողովուրդ» օրաթերթի տեղեկությունների համաձայն՝ ԱԺ ԶՊ խմբակցության պատգամավոր Արսեն Թորոսյանը վերջապես ներկայացել է Հակակոռուպցիոն կոմիտեի եւ հարցաքննվել է: Հիմա գնդակը կոմիտեի դաշտում է. տեսնենք, թե ինչ կանի կոմիտեն Թորոսյանի հետ, եւ ինչ է սպասվում նրան: «Ժողովուրդ» օրաթերթը դիմեց Հակակոռուպցիոն կոմիտեի, որտեղից դարձյալ չմեկնաբանեցին Թորոսյանի հարցաքննության վերաբերյալ տեղեկությունները՝ նշելով, որ որեւէ քրեական վարույթով իրականացվող հարցաքննությունների կամ հարցաքննված անձանց վերաբերյալ տվյալներ չեն հրապարակում: Հիշեցնենք, որ դեռեւս հունիսի 30-ին «Ժողովուրդ» օրաթերթը գրել էր, որ Հակակոռուպցիոն կոմիտեի ծանուցումը հասել է ԱԺ ԶՊ-ական պատգամավոր Արսեն Թորոսյանին, սակայն նա դեռեւս չի ներկայացել նախաքննական մարմին: Արսեն Թորոսյանը, որն օրումեջ հայտարարում էր, թե պահանջում է իրեն հարցաքննել, չէր ներկայանում ՀՀ: Հիմա գնացել է ու թերեւս պարզաբանել, թե ինչպես են ծախսվել «Զորվոր 19»-ի կանխարգելման համար նախատեսված գումարները, ով ում քավորությամբ է տարբեր ծախսեր իրականացրել պետության հաշվին:



Օրեր առաջ՝ հունիսի 26-ին, անհետ կորած զինծառայողների ծնողները փակել էին Պոռչյան - Բաղրամյան պողոտան, եւ այդ խառնաշփոթ իրավիճակում «Մայքախ» մակնիշի մեքենան վթարի ենթարկեց պարեկին: Ավելի ուշ «Ժողովուրդ» օրաթերթը պարզեց, որ 01ՊՕ 011 համարանիշով «Մայքախ» մակնիշի մեքենան պատկանում է Կառուցապատողների հայկական ասոցիացիայի հիմնադիր եւ խորհրդի անդամ Վահե Պետրոսյանին, սակայն դեկին եղել է Վահե Պետրոսյանի վարորդը: «Ժողովուրդ» օրաթերթին հասել են այլ ուշագրավ տեղեկություններ Վահե Պետրոսյանի մասին: Մեր աղբյուրների փոխանցմամբ՝ Պետրոսյանի կինը ունի երեք ջույր, որոնց ամուսինները ոչ պակաս հանրաճանաչ դեմքեր են. Վահե Պետրոսյանը ՀՀ նախկին վարչապետ Կարեն Կարապետյանի եւ ԿԲ փոխնախագահ Ներսես Երիցյանի բաջանաղն է: «Ժողովուրդ» օրաթերթի աղբյուրները, որոնք քաջատեղյակ են Վահե Պետրոսյանի վարած կյանքի մանրամասներից ու անձնապես ճանաչում են նրան, վերջինիս որակում են որպես հարցերը ներքին կարգով լուծելու ունակ կերպար: Ավելին՝ Բաղրամյան պողոտայում վրաերթի ենթարկված պարեկի դեպքը Պետրոսյանի համար հերթականներից է, եւ հեշտությամբ հարցը կարող է փակվել առանց աղմուկի:



ԶՐՈՒՅՑ

ԱՐՑԱԽԻ ԱԺ ՊԱՏԳԱՄԱՎՈՐԸ ՄԱՆՐԱՄԱՄՆՈՒՄ Է

Արցախի Հանրապետության Ազգային ժողովի «Միասնական հայրենիք» կուսակցության դասգամավոր Մեյրան Հայրապետյանը «Ժողովուրդ» օրաթերթի հետ զրույցում խոսել է Արցախի ԱԺ նախագահ Արթուր Թովմասյանի հրաժարականի լուրերի եւ հումանիտար բեռները սեղ հասցնելու մասին:

-Ես կարող եմ Արցախի Հանրապետությունում ընդհանուր սոցիալական իրավիճակը ներկայացնել. օր օրի ամեն ինչ բարդանում է: Սա ասել ենք նաեւ մեր պաշտոնական հաղորդագրություններում: Իրականությունը սա է: Ամեն ինչի սղություն կա՝ ընդհուպ մինչեւ բացակայություն: Արթուր Թովմասյանի հրաժարականի վերաբերյալ խորհուրդ կտայի իրենց խմբակցությունից տեղեկանալ: Ես մանրամասներին չեմ տիրապետում:

-Իսկ իրեն փոխարինող Դուք ու՞մ եք տեսնում:

-Փոխարինողը ընդհանրապես, համաձայն կարգի, իրենց խմբակցությունը՝ մեծամասնությունը պետք է առաջարկի, իրենց հրաժարվելու դեպքում արդեն ես չեմ կարող ասել, իրենց փոխարեն որոշել չեմ կարող: Չեմ կարող պատասխանել իրենց խմբակցության անունից: Դա արդեն այս երկու օրը հստակ պարզ կլինի: Այս պահին, կարծում եմ, էական խնդիրներից չէ սա, Արթուր Թովմասյանը կլինի, թե մեկ այլ մարդ, կարծում եմ՝ վճռորոշ չէ: Այս պահին կարելու է արցախահայության հարցը լուծելու խնդիրն է: Ով էլ լինի, ես կցանկանամ լինի բեղմնավոր աշխատանք, կարենորը թող իմանա՝ ինչ է անելու ու ինչպես է աշխատելու:

-Պարոն Հայրապետյան, իսկ հումանիտար օգնության վերաբերյալ, ի՞նչ եք կարծում, ի՞նչ շարժ կա: Աղբյուրներում կողմը թույլ չի տալիս՝ մուտք գործել:

-Այս պահի դրությամբ աղբյուրները կոշտ պատասխան են տվել բոլոր կողմերին, եւ փաստն այն է, որ կամրջով չեն անցել, թույլտվություն չեն ստացել: Ռուս խաղաղապահների միջնորդությամբ որոշվել էր, որ հումանի-



տար բեռը պետք է մտնի Արցախ, որը մինչ այժմ չի մտել: Այս առնչությամբ ես մանրամասների չեմ տիրապետում: **-Այնուամենայնիվ, ի՞նչ եք կարծում, ընդհանուր հայտարարի կզան կողմերը, եւ բեռը մուտք կգործի՞ Արցախ:**

- Ես, որպես հույս, կարող եմ հայտնել, որ, այո, բայց ճանաչելով աղբյուրները՝ կարող եմ ասել, որ նա անելու է ամեն հնարավորը, որ այդ բեռը Արցախ չմտնի: Չնայած այդ բեռը, Արցախ մտնելով, այնպես չէ, որ մեկ ամսվա կամ երկու ամսվա հարց է լուծում, լավագույն դեպքում մի քանի օր պարզապես թեթեւացնելու է ճգնաժամը,

ստեղծված ծանր վիճակը: Սակայն լավ իմանալով աղբյուրներին, նրա հետ տարիներ շարունակ հարեանություն անելով, նրա հետ հակամարտության մեջ լինելով՝ կարող եմ ասել, որ նույնիսկ այդ մի քանի օրվա բեռի մուտքը դեպի Արցախ նրանք կխոստանան: Նրանք տարիներ շարունակ այդպես են եղել. եթե նրանց հետ որեւէ մեկը ուժի լեզվով չի խոսում, նրանք դառնում են անկառավարելի եւ ոչ մի բանի առջեւ կանգ չեն առնում: Այժմ ես նույնն է կատարվում. եթե որեւէ մեկը նրան չսանձի, նա կշարունակի այսկերպ գործել: **Ջրույց ԼիՂԱ ԵՂԻԱԶՍՅԱՆԸ**

ԿԱՐԵՎՈՐ

ԱՐՑԱԽՈՒՄ ԹԵՃ Է

Արցախի ԱԺ նախագահ Արթուր Թովմասյանն արդեն պաշտոնապես հայտարարել է, որ այսօր հրաժարական է ներկայացնելու:

Այսպիսով, ԱԺ նախագահի հրաժարականով պայմանավորված՝ Արցախում արտառոց իրավիճակ է ստեղծվել:

Ինչպես արդեն հայտնել ենք, Արցախի ԱԺ նախագահի հավանական թեկնածուն Արցախի ընդդիմադիր պատգամավոր, դաշնակցական Դավիթ Իշխանյանն է, ավելին՝ նա համարվում է Արցախի նախագահ Արայիկ Հարությունյանի «սրտի թեկնածուն»:

Ստացվում է՝ եթե պաշտոնապես առաջադրվի Դավիթ Իշխանյանի թեկնածությունը, ապա նրան ԱԺ-ում պետք է ընտրի նախագահ Հարությունյանի գլխավորած քաղաքական ուժի խորհրդարանական խմբակցությունը՝ «Ազատ հայրենիք - ԶԵՄ» կուսակցությունների դաշինքը՝ որպես խորհրդարանական մեծամասնություն:

Այսպիսով, կստացվի, որ Արցախում իշխող քաղաքական ուժի եւ «Դաշնակցության» համագործակցությունն այլևս ան-

խուսափելի է դառնում, կարելի է ասել՝ դառնում են կոալիցիոն ուժեր:

Անկախ իր կամքից՝ ՀՀ-ն պաշտոն ստանալուց հետո պարտավորվում է հավասարապես պատասխանատվություն կիսել Նիկոլ Փաշինյանի եւ Արայիկ Հարությունյանի վարած քաղաքականության համար:

Թերեւս հարց է առաջանում՝ եթե Հայաստանում էլ նման իրավիճակ ստեղծվի, եւ ՀՀ-ն պաշտոն ստանա նաեւ Հայաստանում, արդյոք պատասխանատվություն իր վրա կվերցնի իշխանությունը կիսելու, թե միայն պաշտոն կստանա եւ վերջ:

ՔՐԻՍՏԻՆԱ ՍՈՒԵՐՅԱՆ

«ԼՈՒԾՈՒՄԸ ԻՑԽԱՆՈՒԹՅՈՒՆՆԵՐԻ ՇԵՌՑՈՒՄՆ Է»

«Ապրելու երկիր» կուսակցությունը՝ նախագահ Մանե Թանդիլյանի գլխավորությամբ, հուլիսի 28-ին այցելել է Կենտրոնի

թաղապետարան՝ «ՀայաԶվե» նախաձեռնությամբ միանալու:

Թանդիլյանը հետ միասին եկել էր նաեւ «Ապրելու երկիր» կուսակցության համահիմնադիր Մեսրոպ Առաքելյանը:

«ՀայաԶվե» ստորագրահավաքին միանալուց հետո Մանե Թանդիլյանը լրագրողների հետ զրույցում նշեց. «Մենք տասնյակ հազարավոր մեր հայրենակիցների յուրաքանչյուր քաղաքացիական նախաձեռնությամբ, որը միտված է Արցախի համար իրենց անհամաձայնությունը ցույց տալուն, մենք այնտեղ ենք: Արցախը մեզ համար կարմիր գիծ է եղել, մենք դրա մասին հայտարարել ենք եւ պատրաստ ենք յուրաքանչյուր նխաձեռնությամբ միանալու, որը պետք է արտահայտի մարդկանց անհամաձայնությունը:

Մենք համոզված ենք, որ Արցախի հարցի լուծման գլխավոր գործոնը այսօրվա իշխանությունների դադարեցումն է որպես իշխանություն: Դրա ուղղությամբ տեղի են ունենում ընտրություններ, որին մենք մասնակցում ենք եւ այդ միջոցով իշխանափոխություն ենք իրականացնելու: Մենք վստահ ենք, որ ժողովուրդը կարող է ընտրությունների միջոցով կատարել իշխանափոխություն»:



ԱՆԱՐԳՅՈՒՆՔ ԾԱԽՍԵՐ

Հայաստանի Հանրապետության Էկոնոմիկայի նախարարությունը 2023 թվականի հունվարից հունիս ամիսներին, որպես դրամաշնորհային ծրագիր, «Գյուղատնտեսական հետազոտությունների եւ հավաստագրման կենտրոն» ՊՈԱԿ-ին փոխանցել է 3 մլրդ 281 մլն 370 հազար դրամ գումար: Նկատելի է, որ, չնայած ամեն տարի գյուղատնտեսության համար ծախսվող գումարներին, այդ ոլորտը մեր երկրում չի զարգանում, կարճ ասած՝ պետության ներդրումների արդյունքը չի երեւում: Նախ՝ բույսերի համար եղանակային անբարենպաստ պայմաններից ամեն տարի տուժում են հեկտարներով ցանքատարածություններ, իսկ նախարարությունն ամեն անգամ նոր պատճառաբանություններ եւ օրենքներ է առաջ բերում, որպեսզի այդ վնասները չփոխհատուցի: Գյուղատնտեսական ապահովագրության համակարգը չի ներդրվում, այնինչ բանջարեղեն եւ մրգեր իրացնելը գյուղատնտեսների համար լուրջ պրոբլեմ է. բերքը անասելի է ժամ է վաճառվում սեզոնին: Մարդիկ ստիպված են լինում փողոցներ փակել, որ անեցրածն իրացնեն: Կարճ ասած, շուկայում գործող մոնոպոլիաների պատճառով բերքը հաճախ կամ վաճառվում է էժան գնով, կամ փչանում է պահեստներում: Գյուղացիների ներդրած գումարները, որպես եկամուտ, այդպես էլ չեն արդարացվում, իսկ պետությունը ոլորտի զարգացման համար միլիոնավոր գումարներ պարզապես դեն է նետում: 3 մլրդ դրամով, օրինակ, կարող էինք կառուցել Սեւանի ջրառի ջրատարը, որպեսզի ջրի ավելորդ կորուստներից խուսափենք եւ Արարատյան դաշտավայրի բոլոր ցանքատարածություններ ջուր հասցնենք: Նկատելի է, որ դրամաշնորհների մեծ մասը տրամադրվել է սույն թվականի հունվարի 17-ին՝ այն ժամանակահատվածում, երբ գյուղատնտեսությունը գտնվում էր պասիվ վիճակում:

ԽՈՇՈՐ ԳՆՈՒՄ

Ռուստամ Բադալյանի ղեկավարած կառույցը՝ ՀՀ պետական եկամուտների կոմիտեն, այս տարի հերթական խոշոր գնումն է կատարել: Ինչպես կառույցի պաշտոնական կայքից ենք տեղեկանում, ՊԵԿ-ն այս տարի շուրջ 234,8 միլիոն դրամի պայմանագիր է կնքել «Քիմ Եվրո» անվտանգության կազմակերպության հետ, որը պահուրդական եւ թիվապահական ծառայություններ է իրականացնում: «Ժողովուրդ» օրաթերթի հարցմանն ի պատասխան՝ ՊԵԿ-ից հայտնեցին, որ «Քիմ Եվրո» ընկերության հետ պայմանագիրը կնքվել է 2023թ-ի կարիքների համար պահուրդական ծառայությունների ձեռք բերման նպատակով: «Քիմ Եվրո»-ն իրականացնելու է ՊԵԿ-ի կողմից շահագործվող թվով 35 պահպանվող օբյեկտների, շենքերի եւ շինությունների, կառույցների, ինչպես նաեւ դրանց հարող տարածքների պահպանության եւ անվտանգության ապահովումը: Մեր գրավոր հարցման մեջ ՊԵԿ-ից հետաքրքրվել էինք՝ քանի որ այն կառավարությանն առընթեր կառույց է, ինչու չի դիմել ՊՊԳԿ-ին կամ ՀՀ ոստիկանությանը՝ համապատասխան օբյեկտների պահպանության համար: Պարզվում է՝ ոչ Ոստիկանությունը, ոչ էլ ՊՊԳԿ-ն չունեն բավարար ռեսուրս՝ պետական կառույցի օբյեկտների պահպանության համար: «2023 թ-ին Կոմիտեի եւ ՀՀ ոստիկանության համապատասխան աշխատակիցների միջեւ տեղի են ունեցել անհրաժեշտ քննարկումներ, եւ իրականացվել են Կոմիտեի տարածքների եւ շենք շինությունների նախնական հետազոտություններ, ինչից հետո ՀՀ ոստիկանության կողմից ստացվել է պատասխան, որ ՀՀ ոստիկանության ՊՊԳ վարչության ենթակա ստորաբաժանումների թափուր հաստիքով պայմանավորված՝ ներկայումս հնարավոր չէ պահպանության ծառայության ստանձնումը»,- ասվում է ՊԵԿ-ից ստացված պատասխանում:

ԻՐԱՎԻՃԱԿ

ԱՐՑԱՆ

ՄՅՈՒՆԻՔԻ ՄԱՐԶՊԵՏԸ՝ ԴԵՄՊԱՆՆԵՐԻՆ

ԹԻՐԱԽԱՎՈՐՎԱԾ՝ ՆԱԽԱՐԱՐԻ ԿՈՂՄԻՑ

Բարձրագույն դատական խորհրդում նոր բախումներ են սպասվում: «Ժողովուրդ» օրաթերթին հասած տեղեկությունների համաձայն՝ ՀՀ արդարադատության նախարար Գրիգոր Մինասյանը ԲԴԽ անդամ Նաիրա Հովսեփյանի նկատմամբ կարգապահական վարույթ է հարուցել: Ըստ մեզ հասած տեղեկությունների՝ նախարարի հարուցման հիմքը եղել են դատավորի դեմ ուղղված բողոքները, սակայն մեր աղբյուրները նշում են, որ իրականում շան գլուխը այլ տեղ է թաղված: Բանն այն է, որ մասնավոր գրեց՝ ԲԴԽ անդամներ Վիգեն Քոչարյանը, Նաիրա Հովսեփյանը և Հակակոռուպցիոն կոմիտեի նախագահ Սասուն Խաչատրյանի եղբայրը՝ Դավիթ Խաչատրյանը, հավակնում են Վճռաբեկ դատարանի դատավորի թափուր հաստիքներին: Եվ, ահա, մեզ հասած տեղեկությունների համաձայն՝ ԲԴԽ նախագահ Կարեն Անդրեասյանը չի ցանկանում, որ Նաիրա Հովսեփյանը գնա Վճռաբեկ դատարան, ուստի որոշել են նրա գնալու գործընթացը կասեցնել՝ կարգապահական վարույթ հարուցելով: Ասել է թե՛ ԲԴԽ-ն կոչվ է սկսել բոլոր այն անձանց դեմ, որոնք հաշվի չեն նստում իրենց հետ, եւ թիրախում անգամ հայտնվում են իրենց ցանկալի դատավորները՝ ի դեմս պատերազմի հերոս Գեորգ Արշակյանի մոտ՝ դատավոր Նաիրա Հովսեփյանի, որը Աննա Հակոբյանի հետ ժպիտով նկարները հրապարակեց ու թիրախավորվեց դրա համար:

ՀԱՅԱՍՏԱՆԻ ՀՈՒՅՍԵՐԸ

Հայաստանի արտաքին գործերի փոխնախարար Վահան Կոստանյանը նշում է, որ Ադրբեջանի կողմից Լաչինի միջանցքն ավերող զայտեր արգելափակելու հետևանքով Լեռնային Ղարաբաղում հումանիտար ճգնաժամը շարունակում է ահագնանալ: Լեռնային Ղարաբաղի 120 հազար բնակիչները, դեկտեմբերի 12-ից սկսած, արդեն ավելի քան 220 օր գտնվում են փաստացի շրջափակման մեջ: Լեռնային Ղարաբաղում շարունակում են ոտնահարվել մարդկանց իրավունքները՝ կյանքի իրավունքը, կրթության իրավունքը, որակյալ առողջապահություն ստանալու իրավունքը:

«Դժվար է պատկերացնել, որ 21-րդ դարում նման իրավիճակ կարող է լինել: Եվ դժվար է պատկերացնել, որ նման պարագայում միջազգային հանրությունը չի մեկտեղելու իր ջանքերը՝ մեկ ճակատով փորձելու լուծել հումանիտար ճգնաժամը, որը ժամ առ ժամ ահագնանում է Լեռնային Ղարաբաղում: Այս 7 ամիսները ցույց տվեցին, որ Ադրբեջանը ոչ միայն ակնաջալուր չէ միջազգային հանրության կոչերին՝ բացելու Լաչինի միջանցքը, այլ նաեւ բացառիկ արհամարհանք է դրսևորում ՄԱԿ-ի Արդարադատության միջազգային դատարանի կողմից փետրվարի 22-ի եւ հուլիսի 6-ի վճիռների նկատմամբ, համաձայն որի՝ Ադրբեջանը պետք է ապահովի Լաչինի միջանցքով մարդկանց, մեքենաների եւ բեռների երկկողմանի անարգել երթևեկությունը ճիշտ այնպես, ինչպես նախատեսված է 2020-ի նոյեմբերի 9-ի հայտարարությամբ, որի տակ դրված է նաեւ Ադրբեջանի նախագահի ստորագրությունը», - ասաց փոխնախարարը:

Փոխնախարարը շեշտեց՝ Ադրբեջանի ղեկավարության վերջին հայտարարությունները շատ դժվար կլինի կառուցողական համարել:

Մյունիքի մարզպետ Ռոբերտ Ղուկասյանը Հայաստանում հավասարազրկված դիվանագիսական կորուստի ներկայացուցիչներին, որոնք այցելել էին Կոռնիձոր, ուր կանգնած են Հայաստանից Լեռնային Ղարաբաղ ուղարկված հումանիտար օգնությամբ բեռնասարները, ներկայացրեց իրավիճակը, Լեռնային Ղարաբաղում օր օրի սրվող հումանիտար ճգնաժամն ու այդ ամենին Ադրբեջանի ոչ ադեկվատ արձագանքը:

«Ժողովուրդ» օրաթերթի տեղեկություններով՝ մարզպետը նախ շնորհակալություն հայտնեց դիվանագետներին, որ եկել են տեղում ծանոթանալու իրավիճակին, ապա անձամբ ցույց տվեց, թե որ հատվածում է գտնվում Հակարիի կամուրջը, որտեղ Ադրբեջանն ապօրինի անցակետ է տեղադրել ու արգելափակել է Լաչինի միջանցքը՝ թույլ չտալով, որ նույնիսկ հումանիտար մատակարարումները հասնեն Լեռնային Ղարաբաղի ժողովրդին:

«Դուք կարող եք տեսնել՝ հումանիտար բեռներով մեքենաները տեսական ժամանակ է, ինչ գտնվում են այստեղ: Մինչև այս պահը մենք շատ փոքր ծավալով դեղորայք ու սննդամթերք ուղարկել ենք Արցախ, բայց վերջին ժամանակներում ընդհանրապես անհնար է որեւէ բան ուղարկել: Մեքենաներն այստեղ կանգնած են, եւ անհնար է դառնում այս հումանիտար բեռների տեղափոխումը սահմանից այն կողմ», - ներկայացրեց Ղուկասյանը:

Մարզպետը ընդգծեց՝ Արցախում քաղցած են մարդիկ, քաղցած են երեխաները, իսկ Ադրբեջանն այդ ամենին արձագանքում է՝ ինտեգրացիայի մասին խոսելով:

«Սակայն այդ ինտեգրացիային արդյոք սովամահության հասցնելու ճանապարհով են ուղևորում հասնել: Դա անընդունելի է բոլորիս համար: Այս հումանիտար բեռը պետք է հասնի այն մարդկանց, որոնք անհամբեր սպասում են, որոնք սոված են: Այլապես մենք բոլորս լուռ ակնատես ենք լինելու, թե ինչպես է իրավիճակն ամեն վայրկյան վատթարանում», - ասաց մարզպետը՝ դիմելով դիվանագետներին:

Հայաստանից հուլիսի 26-ին 361 տոննա հումանիտար օգնություն է ուղարկվել Լեռնային Ղարաբաղ 19 բեռնատար ավտոմեքենաներով: Հումանիտար օգնու-



թյունը հուլիսի 26-ին հասել է Լաչինի միջանցքի մուտքի հատված: Հայաստանը խնդրել է, որ ԼՂ-ում տեղակայված ՌԴ խաղաղապահ զորախմբի ներկայացուցիչներն ընդունեն բեռն ու տեղափոխեն ԼՂ, որտեղ Լաչինի միջանցքի՝ շուրջ 8 ամիս ապօրինի արգելափակված լինելու հետևանքով հումանիտար ճգնաժամ է հաստատված: Բեռնատարներով Հայաստանից Լեռնային Ղարաբաղ է ուղարկվում մակարոններ, շաքարավազ, բուսական յուղ, կաթի փոշի, աղ, մանկական կեր, դեղորայք:

Ադրբեջանն անցած տարվա դեկտեմբերից արգելափակել է Արցախը Հայաստանի հետ կապող միակ ճանապարհը՝ Լաչինի միջանցքը: Սկզբնական շրջանում միջանցքն արգելափակել էին այսպես կոչված բնապահականներ՝ բնապահական կեղծ հիմնավորումներով եւ պահանջներով, իսկ միջանցքի երթուղին փոխելուց հետո Ադրբեջանն ապօրինի անցակետ տեղադրեց միջանցքում՝ խոչընդոտելու հարուցելով ազատ տեղաշարժի համար: Սկզբնական շրջանում միջանցքով որոշակի տեղաշարժ, այնուամենայնիվ, կար, ՌԴ խաղաղապահ զորակազմի միջնորդությամբ սահմանափակ քանակով մարդասիրական բեռ մտնում էր Լեռնային Ղարաբաղ, նաեւ Կարմիր խաչի միջազգային կոմիտեի միջոցով բուժման կարիք ունեցող անձինք տեղափոխվում էին Հայաստան եւ հակառակ ուղղությամբ: Հունիսի 15-ից Ադրբեջանն ամբողջությամբ արգելափակել է Լաչինի միջանցքը:

ՕՐՎԱ ԽՃԱՆԿԱՐ ՆԵՃԱՆԱԿՈՒՄ՝ ՎԱՐՉԱՊԵՏԻ ՀՐԱՄԱՆՈՎ

Վարչապետ Նիկոլ Փաշինյանը որոշում է ստորագրել պաշտոնի նշանակման մասին: Որոշման մեջ ասվում է. «Ղեկավարվելով «Քաղաքացիական ծառայության մասին» օրենքի 10-րդ հոդվածի 16-րդ մասով, 16-րդ հոդվածի 3-րդ մասով եւ հիմք ընդունելով Հայաստանի Հանրապետության կառավարության 2018 թվականի դեկտեմբերի 27-ի N 1554-Ն որոշման հավելվածի 147-րդ ու 151-րդ կետերը եւ Քրիստինե Ալեքսանյանի դիմումը՝ վերջինիս նշանակել վարչապետի աշխատակազմի տեսչական մարմինների աշխատանքների համակարգման գրասենյակի օրենսդրության կատարելագործման եւ վերլուծությունների վարչության պետ՝ (պաշտոնի ծածկագիր՝ 06-Գ27-17.1-Ղ2-1) պաշտոնային դրույքաչափը սահմանելով «Պետական պաշտոններ եւ պետական ծառայության պաշտոններ զբաղեցնող

անձանց վարձատրության մասին» օրենքին համապատասխան»:

ՆՈՐ ՏՆՕՐԵՆ ՈՒՆԻ

«Ժողովուրդ» օրաթերթի տեղեկություններով՝ «ՀՀ գիտությունների ազգային ակադեմիայի Մ. Քոթանյանի անվան տնտեսագիտության ինստիտուտ» ՊՈԱԿ-ի տնօրեն Դավիթ Հարությունյանը ազատվել է պաշտոնից: «Ժողովուրդ» օրաթերթը փորձեց ճշտել տեղեկատվությունը, ինստիտուտի ընդունարանից մեզ պատասխանեցին, որ արդեն նախկին տնօրեն Դավիթ Հարությունյանն աշխատանքից ազատվել է նոր աշխատանքի անցնելու պատճառով: Տնօրենի ժամանակավոր պաշտոնակատար Մերի Մանուչարյանը հրաժարվեց մեզ հետ խոսել: Հավելեցք, որ Մանուչարյանը 2015թ. նոյեմբերից մինչև օրս «ՀՀ ԳԱԱ, Մ. Քոթանյանի անվան տնտեսագիտության ինստիտուտում» աշխատում է որպես գիտաշխատող, ավագ գիտաշխատող, թեմայի

ղեկավար, Տնտեսության իրական հատվածի բարեփոխումների բաժնի վարիչ:

ԷՄՄԱ ՄԻՔԱՅԵԼՅԱՆ

ՀՐԱԺԱՐՎԵՑ ՊԱՇՏՈՆԻՑ

«Ժողովուրդ» օրաթերթը Արցախի Հանրապետության Ազգային ժողովի նախագահ Արթուր Թովմասյանի գրառումից տեղեկանում է, որ վերջինս իր անձնական որոշմամբ քաղաքական պատասխանատվություն է վերցնում հեռանալու Ազգային ժողովի նախագահի պաշտոնից՝ հավատարիմ մնալով 1991 թվականին հայ ժողովրդի կողմից հանրաքվեով ընդունված գաղափարին: Թովմասյանի՝ իր էջում կատարված գրառման մեջ մասնավորապես ասվում է. «Մինչև վերջին շունչս ծառայելու եմ Հայաստանի Հանրապետությանը եւ նրա ժողովրդին, Արցախի Հանրապետությանը եւ նրա ժողովրդին: Աստված պահապան Հայաստան աշխարհին: Վաղը կներկայացնեմ հրաժարականի դիմում»:

ԻՐԱՎԱԿԱՆ

ՄԵՂԱԴՐԱՆՔ

ԻՆՉ Է ԿԱՏԱՐՎԵԼ ԲՈՒՔՄԵՅՔԵՐԱԿԱՆ ԸՆԿԵՐՈՒԹՅՈՒՆՈՒՄ

Էդգար Յագուսյանին մեղադրանք է առաջադրվել, որ նա, վրդովված լինելով այն հանգամանքից, որ «Կաբարկո» ՍՊԸ-ին դասկանող «Աջարաբեթ» բուքմեյթերական ընկերության կայքէջում իր անվամբ բացված օգտահաճվող խաղարկությանը մասնակցելու արդյունքում 2022թ. ապրիլի 14-ին Եստի «Այֆոն 13» մոդելի բջջային հեռախոսը սեռական ժամանակ իրեն չեն սրամադրել՝ դասճանաչումներով, որ աղասարկման կենտրոններում համադասարան մոդելի բջջային հեռախոս չկա, իսկ Եստի հեռախոսը սրվում են եռամսյա ժամկետում, 2022 թվականի մայիսի 27-ին՝ ժամը 18:00-ի սահմաններում,



ապա կողաշրջել է իր դիմաց գտնվող սեղանը, ինչի արդյունքում սեղանին դրված «Canon MF 232» մոդելի պատճենահանման սարքը, GXP2130 մոդելի ցանցային հեռախոսը և ստեղնաշարն ընկել են գետնին և վնասվել, այնուհետև Էդգար Յագուսյանը ձեռքով հարվածել է գետնին է գցել կողքի սեղանին դրված «LG 222p38 LED» մոդելի համակարգչային մոնիտորը, կողաշրջել է այդ սեղանը՝ այդ ընթացքում տալով անհասցե սեռական բնույթի հայտնաբերում, որից հետո, շարունակելով խուլիգանական գործողությունները, բացահայտ անհարգալից վերաբերմունք դրսևորելով սպասարկման կենտրոնում ներկա գտնվող աշխատակիցների և հաճախորդների նկատմամբ, անտեսելով անվտանգության աշխատակիցի դիտողությունները, մոտեցել է սպասարկման կենտրոնում գտնվող «Իզի Փեյ» ՍՊԸ-ին պատկանող վճարային տերմինալին, ձեռքով հարվածել է ջարդել է տերմինալի էկրանը, այնուհետև մոտեցել է սպասարկման կենտրոնի սենյակներից մեկին, տեսնելով, որ աշխատակցուհին վախեցած փակում է սենյակի դուռը՝ ոտքով հարվածել է աշխատասենյակի փակ դռանը, արդյունքում շուրջ 30 րոպե կոպիտ կերպով խախտել է հասարակական կարգը, խաթարել «Կաբարկո» ՍՊԸ-ին պատկանող «Աջարաբեթ» բուքմեյթերական ընկերության Երեան քաղա-

քի Սեբաստիա 125/4 հասցեում գործող սպասարկման կենտրոնի աշխատանքը՝ աշխատակիցների և հաճախորդների մոտ ստեղծելով տագնապի և վախի մթնոլորտ: Բացի այդ, Էդգար Սաջիկի Յագուսյանը, վրդովված լինելով այն հանգամանքից, որ «Աջարաբեթ» բուքմեյթերական ընկերության կայքէջում իր անվամբ բացված օգտահաճվող խաղարկությանը մասնակցելու արդյունքում 2022թ. ապրիլի 14-ին շահած «Այֆոն 13» մոդելի բջջային հեռախոսը տեսական ժամանակ իրեն չեն տրամադրել՝ պատճառաբանելով, որ սպասարկման կենտրոններում համադասարան մոդելի բջջային հեռախոս չկա, իսկ շահումները տրվում են եռամսյա ժամկետում, և որ 2022թ. մայիսի 27-ին վերոհիշյալ ընկերության Երեան քաղաքի Սեբաստիա 125/4 հասցեում գործող սպասարկման կենտրոնում կրկին մերժել են իրեն, իսկ տեղի ունեցած միջադեպի արդյունքում իրեն բերման են ենթարկել ոստիկանության Մալաթիայի բաժնի, 2022թ. մայիսի 28-ին գիշերային ժամերին 3 անգամ գանգահարել է «Կաբարկո» ՍՊԸ-ին պատկանող «Աջարաբեթ» բուքմեյթերական ընկերության գանգերի սպասարկման կենտրոնում, աշխատակցուհուն պատմել է, որ դեռևս 2022թ. ապրիլին շահել է «Այֆոն 13» մոդելի բջջային հեռախոս, սակայն իր շահումն իրեն չեն տալիս, անտեսելով աշխատակցի պարզաբանումները՝ շահումները եռամսյա ժամկետում հանձնելու կարգի մասին, և որ այդ ժամկետում իր շահումը կտրամադրվի իրեն՝ հայտնել է, որ նախորդ օրը ջարդել է վնասել է Երեան քաղաքի Սեբաստիա 125/4 հասցեում գործող «Աջարաբեթ» բուքմեյթերական ընկերության սպասարկման կենտրոնի գույքը, և եթե իր շահումն իրեն անհապաղ չտրամադրեն, պատրաստվում է շարունակել իր գործունեությունը, ջարդել ու վնասել ընկերության մյուս մասնաճյուղերի սպասարկման կենտրոնների գույքը և պատճառել խոշոր չափի՝ մինչև երեք միլիոն ՀՀ դրամի վնաս:

ՎԱՐՈՒՅԹ

ԽԱՓԱՆՄԱՆ ՄԻՋՈՑԸ ՓՈԽՎԵՑ

«Հայաստան» խմբակցության պատգամավոր Սիեր Սահակյանի և ԶՊ-ական պատգամավոր Վլադիմիր Վարդանյանի միջադեպի գործով դատական նիստում դատարանը փոխել է Սիեր Սահակյանի խափանման միջոցը: Մասնավորապես, Հայաստանից բացակայելու արգելքը փոխարինվել է «գրավ» խափանման միջոցով:

Ավելի վաղ «Ժողովուրդ» օրաթերթը հայտնել էր, որ այս տարվա մարտի 31-ին ԶՊ-ական պատգամավոր Վլադիմիր Վարդանյանի և Սիեր Սահակյանի միջև միջադեպ էր տեղի ունեցել Ազգային ժողովի պետաիրավական մշտական հանձնաժողովի փակ նիստում:

Ըստ նախաքննական մարմնի՝ Սիեր Սահակյանը մոտեցել է Պետաիրավական հարցերի հանձնաժողովի նախագահ Վլադիմիր Վարդանյանին և աջ ձեռքով դիտավորությամբ հարվածել նրա դեմքի ձախ բունջային շրջանին: Հարվածի հետեանքով Վարդանյանի առողջությանը պատճառվել է թեթեւ վնաս՝ առողջության կարճատե քայքայումով:

Աննա Վարդապետյանի ապրիլի 11-ին խորհրդարանում ներկայացրեց Սիեր Սահակյանի նկատմամբ քրեական վարույթ հարուցելու միջնորդությունը: Փակ գաղտնի քվեարկությամբ Սիեր Սահակյանը գրկվեց անձեռնմխելիությունից:

Սիեր Սահակյանն ասել էր, որ կողմ է քվեարկելու իր նկատմամբ քրեական վարույթ հարուցելուն:

Սիեր Սահակյանին մեղադրանք է առաջադրվել ՀՀ ՔՕ 297-րդ հոդվածի (խուլիգանություն) առաջին մասով և 171-րդ հոդվածի (առողջությանը թեթեւ վնաս պատճառելը) 2-րդ մասի 7-րդ կետով: Նրա նկատմամբ խափանման միջոց էր ընտրվել երկրից չբացակայելու մասին արգելքը:

ՄԱՐԱՑԵԼ Է ԵՎՄ ՄԵԿԸ

Երեան-Երասխա ճանապարհին հուլիսի 18-ի կեսգիշերին ողբերգական վթարից հետո մահացել է նաև հիվանդանոց տեղափոխված ես մեկ երիտասարդ:

Հիշեցնենք, որ հուլիսի 18-ին ժամը 00.30-ի սահմաններում, Երեան-Երասխա ճանապարհի 32-րդ կմ-ին իրար էին բախվել «Ֆորդ Տրանզիտ», «ԳԱԶԷլ», «Մերսեդես», «Ինֆինիտի» և «ԲՄՎ» մակնիշի մեքենաներ: «ԲՄՎ»-ի ուղեւոր 21-ամյա Մասիս Ժուռայանը մահացել էր տեղում, իսկ 17 անձ տեղափոխվել էին հիվանդանոց, որտեղ մահացել էին նաև 43-ամյա Սարգիս Լեւոնյանը և 25-ամյա Շանթ Ժուռայանը:

Հուլիսի 27-ին հիվանդանոցից հարողում է ստացվել, որ մահացել է նաև 30-ամյա Աշոտ Կոստանյանը: Քրեական վարույթը շարունակվում է:

ՌԿ Է ՄԵՂԱԴՐՈՒՅԱԼԸ

ԱՄԻՐՅԱՆԻ ԿՐԱԿՈՑՆԵՐԻ ՄԱՆՐԱՄԱՄՆԵՐԸ

«Ժողովուրդ» օրաթերթին հայտնի դարձավ, որ Սահակ Սահակյանին մեղադրանք է առաջադրվել այն բանի համար, որ նա 2022 թվականի թվականի ապրիլի 2-ին ժամը 14:20-ի սահմաններում, Երեան ֆաղափ Ամիրյան 5-րդ շենքի բակում զենվող, իրեն դասկանող մեսաղական ավսոնակի դիմաց Վահե Վեռնդի Կիրակոսյանի կնոջը դասկանող «Ինֆինիտի FX35» մակնիշի 01 MG 070 հազվադեպ համարանիշի սրանադորային միջոցը կայանելու օտուր ծագած խոսակցության ժամանակ վիճարանել է Վահե Կիրակոսյանի հետ, ինչի ընթացքում ավսոնակից վերցնելով փայտե մահակը՝ բազմաթիվ հարվածներ է հասցրել վերջինիս՝ դիտավորությամբ Վահե Կիրակոսյանին դասճանաչելով ձախ նախաբազկի գույզ ուլիերի փակ կոսոված, սեղաբարձով մարմնական վնասվածք, աղա միեւնույն փայտե մահակով հարվածներ է հասցրել «Ինֆինիտի FX35» մակնիշի 01 MG 070 հազվադեպ համարանիշի սրանադորային միջոցի սարքեր հասվածներին՝ դիտավորությամբ վնասելով

այն, որից հետո դարգաբանման համար շենքի բակ եկած Վահե Կիրակոսյանի եղբոր՝ Մրամ Վեռնդի Կիրակոսյանի և վերջինիս բարեկամ Ռոմեո Ժուռայի Հայրապետյանի միջև առաջացած վիճարանության ժամանակ, նախագուցացնելով իրեն աղասելու հանգամանքի մասին, գնացել է Ամիրյան 3-րդ շենքի իր բնակարան և աղորհնաբար Վահե ու Մրամ Կիրակոսյաններին և Ռոմեո Հայրապետյանին կյանքից զրկելու ուղղակի դիտավորությամբ վերցրել է իր կողմից աղորհնի ձեռք բերված գործարանային արտադրության «ՈՄ Մակարով» սեսակի 9ճ18 սրամաշափի ակոսափող աքճանակը՝ լիցքավորված առնվազն յոթ փամփուռներով:

Այս ամենից հետո իջել է Երեան քաղաքի Ամիրյան փողոցի 5-րդ շենքի բակ, որտեղ ստորճանակը պահելով հավաքված Արամ և Վահե Կիրակոսյանների, Ռոմեո Հայրապետյանի, Նույն շենքում տեղակայված «Երեան Պանոլ» ռեստորանի աշխատակիցներ Արտակ Վարդգեսի Առաքելյանի, Հայկ Արտյուշայի Հովհաննիսյանի,

նի, ռեստորանում պահնորդական ծառայություն իրականացնող Կարեն Թադևոսի Ղարիբյանի ուղղությամբ՝ շատերի կյանքի համար վտանգավոր եղանակով, իրական վտանգ ստեղծելով Արտակ Առաքելյանի, Հայկ Հովհաննիսյանի և Կարեն Ղարիբյանի կյանքի համար՝ արձակել է երեք կրակոցներ, որից հետո վերջիններս դիմել են փախուստի տարբեր ուղղություններով, իսկ Սահակ Սահակյանը, շարունակելով հանցավոր մտադրության իրականացումը, հետապնդել է փախուստի դիմող Արամ Կիրակոսյանին և նրա հետեւից կատարել է ևս մեկ նշանառու կրակոց, ինչի հետեանքով Արամ Կիրակոսյանին պատճառել է աջ սրունքի միջին երրորդ գծային մակերեսի պատռած վերք՝ հրազենային վիրավորման ձեռքով մարմնական վնասվածք, իսկ Ռոմեո Հայրապետյանին ձախ զսպատեղի հրազենային վիրավորման ձեռքով մարմնական վնասվածք՝ Արամ Կիրակոսյանի, Վահե Կիրակոսյանի և Ռոմեո Հայրապետյանի սպանությունն ավարտին չհացնելով՝ իր կամքից անկախ հանգամանքներում:

ԸՆՍՈՒ ՄԱՍՈՒԿՅԱՆ

● Ըստ ոստիկանության տվյալների՝ հուլիսի 26-ից 27-ը Հայաստանի Հանրապետությունում հայտնաբերվել են 1 անհետ կորած և 2 հետախուզվող: Կամավոր ներկայացել է 1 հետախուզվող:

ՀԱՍԱՐԱԿՈՒԹՅՈՒՆ

ՄԱՐԶ

ԿԱՄՈՒՐՁ Է ՓԼՎԵԼ

Դիլիջան համայնքի Հաղարծին գյուղում գյուղի փոստային բաժանմունքի շենքի մոտ փլվել է Աղստե գետի վրա ձգվող հետիոտնի կամուրջը: Այժմ գետի աջ ափին գտվող թաղամաս այցելելու համար հաղարծնեցիները ստիպված են երկար ճանապարհ անցնել: Հայտնի չէ, թե այդ հետիոտնի կամուրջը վերականգնվելու է արդյոք, երբ եւ ում ֆինանսական միջոցներով:

ԿՈՅՈՒՂԱԳԾԵՐԻ ԽՆԴԻՐ

Ներկայումս Դիլիջան քաղաքում պետական սուբվենցիոն ծրագրերով բազմաթիվ ծրագրեր են իրականացվում: Այդ ծրագրերի մի զգալի մասը փողոցների կապիտալ շինարարություն, հիմնանորոգում է: Սակայն ոչ բոլոր դեպքերում է, որ փողոցների հիմնանորոգումը կատարվում է շինարարական պատշաճ որակով: Դիլիջան քաղաքի բնակիչները հայտնում են, որ քաղաքի կենտրոնական փողոցներից մեկը հիմնանորոգվել է, սակայն փողոցի միայն մեկ կողմում է կառուցվել անձրեաչափերի հեռացման համար նախատեսված սեղավատար, հիմնանորոգված այդ ճանապարհի թեքությունը շինարարները սխալ են տվել, հորդ անձրեւներից հետո սեղավատարի դիմացի կողմում գետի նման մեծ քանակով անձրեաչափեր են հոսում: Դիլիջան քաղաքի բնակիչներին միավորող Ֆեյսբուքի «Դիլիջանցիք» խմբում քաղաքի բնակիչներից մեկը տեսանյութ է տեղադրել՝ հորդ անձրեւից հետո կոյուղատարից մեծ շիթով կեղտաչոր է թափվում քաղաքի փողոցներից մեկի ասֆալտի ծածկին:

ԳԱՏ՝ ՎԱՐԿԻ ԳՈՐԾՈՎ

«Գլածոր ունիվերսալ վարկային կազմակերպություն» ՓԲԸ-ն Տավուշի մարզի առաջին ատյանի դատարան հայցադիմում է ներկայացրել՝ ընդդեմ Ավետիք Խորենի Աղամյանի եւ «Հինջինի ճագարաբուծական տնտեսություն» ԲԲԸ-ի՝ 9 միլիարդ 192 միլիոն 181 հազար 30 դրամ բռնագանձման եւ բռնագանձումը գրավի առարկայի վրա տարածելու պահանջներով: Գրավը նշված ճագարաբուծական տնտեսությունն է, որը վաղուց չի գործում: Ավետիք Աղամյանը Բերդի տարածաշրջանի համայնքները տնօրինող «Հայաստառ» ՊՈԱԿ «Արծվաբերդի անտառտնտեսություն մասնաճյուղի» երկարամյա տնօրենն է: 2018 թվականի իշխանափոխությունից հետո Ավետիք Աղամյանն ազատվել է Արծվաբերդի անտառտնտեսության տնօրենի պաշտոնից, հետո նրան նորից են նշանակել այդ պաշտոնում: Ավետիք Աղամյանի եւ Արծվաբերդի անտառտնտեսության այլ պաշտոնյաների վերաբերյալ, ապօրինի անտառահատումների հետ կապված, քրեական գործ է քննվում Տավուշի մարզի առաջին ատյանի դատարանում: 2023թ. հուլիսի 3-ին Տավուշի մարզի առաջին ատյանի դատարանի Նոյեմբերյան քաղաքի նստավայրում դատավոր Նարինե Անանյանը որոշել է «Գլածոր ունիվերսալ վարկային կազմակերպություն» ՓԲԸ-ի ներկայացրած քաղաքացիական գործով անցնել դատաքննության:

ՈՍՎԻՆ ՍԱՐԳՅԱՆ Տավուշ

ՍՈՒԲՎԵՆՑԻԱ

ՎԵՐԱՆՈՐՈԳՎԱԾ ՃԱՆԱՊԱՐՆԵՐ՝ ԳԵՂԱՐՔՈՒՆԻՔՈՒՄ

Վարչապետ Նիկոլ Փաշինյանն երեկ աշխատանքային այցով մեկնել է Գեղարքունիքի մարզ: Գալառում կայացած խորհրդակցության ժամանակ վարչապետին ներկայացվել է Գեղարքունիքի մարզի աշխատակազմի 2022թ. գործունեության հաշվետվությունն ու ընթացիկ տարում իրականացվող ծրագրերի ընթացքը:

Խորհրդակցությանը մասնակցել են տարածքային կառավարման եւ ենթակառուցվածքների նախարար Գևորգ Սանոսյանը, Պետական վերահսկողական ծառայության պետ Ռոմանոս Պետրոսյանը, Էկոնոմիկայի նախարարի տեղակալ Արման Խոջոյանը, Գեղարքունիքի մարզպետ Կարեն Սարգսյանը եւ պաշտոնատար այլ անձինք:

Նախ զեկուցվել են 2018-2022թթ. իրականացված սուբվենցիոն ծրագրերի մասին, ըստ որի՝ հաշվետու ժամանակահատվածում ներկայացվել է 430 հայտ, որից հաստատվել է 386-ը: Սուբվենցիոն ծրագրերի ընդհանուր գումարը կազմել է 25 մլրդ 367 մլն դրամ, որից Կառավարության համաֆինանսավորումը կազմում է 14 մլրդ 844 մլն դրամ, համայնքային համաֆինանսավորումը՝ 10 մլրդ 462 մլն դրամ, մասնավորի համաֆինանսավորումը՝ 59,7 մլն դրամ: Սուբվենցիոն ծրագրերի արժեքը 2018 թ. կազմել է 1 մլրդ դրամ, 2019թ.՝ 4,4 մլրդ դրամ, 2020թ.՝ 4,4 մլրդ դրամ, 2021թ.՝ 5,8 մլրդ դրամ, 2022թ.՝ 9,7 մլրդ դրամ: Սուբվենցիոն ծրագրերն իրականացվել են հետևյալ ոլորտներում՝ ասֆալտապատում, լուսավորության անցկացում, ջրամատակարարման, ոռոգման համակարգերի նորոգում, փողոցների սպասարկում, գազաֆիկացում, մանկապարտեզների կառուցում/վերանորոգում, զբոսայգիների բարելավում եւ այլն:

2022 թ. միջգերատեսչական հանձնաժողովի կողմից հաստատված 34 ծրագրերի ընդհանուր արժեքը 144 ենթածրագրերով կազմել է 9 մլրդ 691 մլն դրամ, որից 33 պետական բյուջեի համաֆինանսավորումը՝ 5 մլրդ 592 հազար դրամ,



համայնքների համաֆինանսավորումը՝ 4 մլրդ 63 մլն դրամ, այլ ներդրողներինը՝ 35 մլն 413 հազար դրամ:

2022 թ. ավարտվել են 148 շինաշխատանքներ: Քաղաքաշինության ոլորտից բխող միջոցառումների արդյունքում իրականացվել է սուբվենցիոն ծրագրերի 350 մշտադիտարկում, տրվել է 486 շինթույլտվություն, եղել է 8 միկրոռեգիոնալ փաստաթուղթ, 1248 կմ եւ 185.3 կմ ճանապարհների պահպանություն:

Տեղեկացվել է, որ 2023թ. ներկայացվել է սուբվենցիոն 45 հայտ 160 ենթածրագրով, որից հաստատվել է 23-ը՝ 144 ենթածրագրով: Ծրագրերի ընդհանուր արժեքը կազմում է 11.2 մլրդ դրամ, որից

պետական բյուջեի համաֆինանսավորումը կազմում է 6,7 մլրդ դրամ, համայնքի համաֆինանսավորումը՝ 4,3 մլրդ դրամ, մասնավորի համաֆինանսավորումը՝ 88,9 մլն դրամ:

2018-2022թթ. Գեղարքունիքի մարզում մի շարք ծրագրեր են իրականացրել Տարածքային կառավարման եւ ենթակառուցվածքների նախարարությունը, Առողջապահության նախարարությունը, Կրթության, գիտության, մշակույթի եւ սպորտի նախարարությունը, Քաղաքաշինության կոմիտեն: Ծրագրերի ընդհանուր արժեքը կազմել է 51 մլրդ դրամ:

2018 թվականից մինչ այժմ մարզում հիմնանորոգվել է 350 կմ ճանապարհ:

ՀԱՅՏԱՐԱՐԱԳԻՐ

ՄԳ ԴԱՏԱՎՈՐԻ ՈՒՆԵՑՎԱԾՔԸ

Մահմանադրական դատարանի դատավոր Արթուր Վաղարշյանը 2022 թվականի հայտարարած սարվա սարեվերջին հայտարարել է 8 անգամ զույք, որից մեկը բնակարան է, որը գնվել է 2001 թվականին Երեւանում, եւ մեկ բնակարան ստացել է ժառանգություն 1993 թվականին, իսկ զույքի մնացած մասը հողամասեր են Գեղարքունիքի մարզի Սեւան եւ Լճաշեն համայնքներում:

Տվյալ տարվա վերջում առկա որպես տրանսպորտային միջոց հայտարարագրել է երկու մեքենա՝ 2007 թվականի արտադրության LEXUS, որը ձեռք է բերվել 2013 թվականին, եւ 1993 թվականի արտադրության OPEL, որը գնվել է 2002 թվականին:

Դատավորի բանկային ավանդները կազմել են 2 մլն դրամ եւ 13 հազար դրամ: Նրա բանկային դրամական հաշիվների մնացորդները կազմել է 2 մլն դրամ եւ 700 հազար դրամ, իսկ կանխիկ

դրամական միջոցները կազմել են 5 մլն դրամ:

Հաշվետու տարվա եկամուտները կազմել են 25 մլն 426 հազար դրամ, որից 15 մլն 416 հազար դրամը աշխատանքի վարձատրություն է ՀՀ Մահմանադրական դատարանից, իսկ 4 մլն 290 հազար դրամը աշխատանքի վարձատրություն է Երեւանի պետական համալսարանից: Վաղարշյանի եկամտի 4 մլն 290 հազար դրամը վարկերն է:

Արթուր Վաղարշյանը հանդիսանում է ԵՊՀ դասախոս, պրոֆեսոր, իրավագիտության ֆակուլտետի խորհրդի անդամ, Արդարադատության ակադեմիայի գիտական խորհրդի անդամ, ՀՀ իրավաբանների միության անդամ, Երկրապահ կամավորների միության անդամ: Վաղարշյանի դուստրը եւ որդին սովորում են Երեւանի պետական համալսարանում. նրանց հոր՝ դասախոս լինելու շնորհիվ՝ նրանք ստանում են 50-70% ուսման վարձի զեղչ:

Վաղարշյանի կինը՝ Ռուզաննա Վաղարշյանը, 2016 թվականին գնել է բնակարան Երեւանի Արաբկիր վարչական շրջանում: Նրա հաշվետու տարվա եկամուտները կազմել են 2 մլն 019 հազար դրամ, որը աշխատանքի վարձատրություն է Երեւանի պետական համալսարանից. նա աշխատում է որպես լաբորանտ:

Հիշեցնենք, որ Արթուր Վաղարշյանի որդին ձերբակալվել էր Շիրակի մարզի նախկին ոստիկանապետ Վարդան Նաղարյանի որդու դանակահարության գործով, սակայն ավելի ուշ ազատ էր արձակվել: Այս դեպքի առթիվ հարուցված քրեական գործը գտնվում է ՀՀ քննչական կոմիտեի Արաբկիրի քննչական բաժնում, որը դրոփել է տեղում եւ որեւէ լուծում չի ստանում: Գուցե քրեական գործի ձգձգումը կապված է նրա հետ, որ ՄԳ անդամի որդուն էլ են փորձում «ջրից չոր դուրս հանել»: Ինչպես, հետեւենք զարգացումներին:

ԷՄՄԱ ՄԻՔԱՅԵԼՅԱՆ

● Անցած 1 օրվա ընթացքում Հայաստանի Հանրապետությունում արձանագրվել է զենք-զինամթերքի կամավոր հանձնման 2 դեպք:

ԲԱՅՈՒՄ

«ՍՏԵՂԾԱԳՈՐԾ ԵՎՐՈՊԱ»-Ն՝ ՀԱՅԱՍՏԱՆԻՄ

Հայաստանի Հանրապետություն-Եվրոպական միություն համագործակցության «Ստեղծագործ Եվրոպա 2023-2027 թթ.» համաձայնագրի քննարկում և ստեղծագործ Եվրոպա հայաստանյան գրասենյակի դասընթացի բացման արարողությունը:



Միջոցառմանը ներկա են եղել ՀՀ ԿԳՄՍ նախարար Ժաննա Անդրեասյանը, նախարարի տեղակալներ Արթուր Մարտիրոսյանը և Ալֆրեդ Քոչարյանը, ՀՀ-ում ԵՄ դեսպան Անդրեա Վիկտորինը, Հայաստանում հավատարմագրված ԵՄ անդամ երկրների դեսպաններ, Հայաստանի մշակութային դաշտում գործող հասարակական կազմակերպությունների ներկայացուցիչներ, արվեստագետներ:

«Ստեղծագործ Եվրոպա» ծրագրի նպատակն է հնարավորություն ընձեռել հայաստանյան մշակութային և ստեղծարար ոլորտի կազմակերպություններին՝ ծավալելու միջսահմանային համագործակցություն նույն ոլորտի այլ կազմակերպությունների հետ, խթանել շփումները մշակույթի գործիչների միջև և զարգացնել մշակութային բազմազանությունը Հայաստանում: Ծրագրի շրջանակում տրամադրվում են դրամաշնորհային ծրագրեր գրականության, թատրոնի, ճարտարապետության, կերպարվեստի, երաժշտարվեստի, դիզայնի և մի շարք այլ ոլորտներում:

ԿԳՄՍ նախարար Ժաննա Անդրեասյանը շնորհավորել է ներկաներին գրասենյակի բացման կապակցությամբ՝ այն համարելով Հայաստանի մշակութային կյանքում կարևոր իրադարձություն:

«Հայաստանի և Եվրոպական միության գործընկերային կապերը տարեցտարի էլ ավելի են զարգանում. դրա մասին է վկայում նաև այսօրվա ՀՀ կառավարության նիստում հավանության արժանացած Հայաստանի Հանրապետության և Եվրոպական հանձնաժողովի միջև «Հայաստանում ԵՄ աջակցությունը կրթությանը» ֆինանսավորման համաձայնագիրը: Այսպիսով, մենք ոչ միայն Եվրոպական արժեքները համակարգի կրողն ենք, այլև մեզ համարում ենք Եվրոպական մեծ քաղաքակրթական ընտանիքի անդամ,- ասել է նախարարը և հավելել:- «Ստեղծագործ Եվրոպա 2023-2027 թթ.» համաձայնագրի շրջանակում մշակութային համագործակցության հիմքում դրված նպատակներն ամբողջովին համահունչ են «Հայաստանի Հանրապետության մշակույթի պահպանության, զարգացման և հանրահռչակման 2023-2027 թվականների ռազմավարությանը»:

Ըստ Ժաննա Անդրեասյանի՝ թե՛ ռազմավարության, թե՛ համաձայնագրի առանցքային նպատակներն են մշակութային կյանքի հասանելիությունը և ներառականությունը, մշակութային և ստեղծարար ոլորտների արդիականացումը, դրանց զարգացման և ստեղծագործողների կարողությունների դրսևորման ինստիտուցիոնալ միջավայրի ձևավորումը, Հայաստանի դիրքավորումը՝ որպես համաշխարհային քաղաքակրթական արժեքների կրող ու ստեղծող երկիր և այլն:

«ԿԳՄՍ նախարարությունը մեծապես կարևորում է գրասենյակի առաքելությունը՝ ուղղված Եվրոպական մեծ մշակութային տարածքում միջմշակութային կապերի զարգացմանը և կշարունակի շարունակական աջակցություն ցուցաբերել տեղեկատվական կենտրոնի գործունեությանը: Մաղթում են աշխատանքային խմբին անխափան գործունեություն, իսկ ստեղծարար ոլորտի հանրությանը՝ հաջողված նախագծերի իրականացում Եվրամիության մշակութային դաշտում,- եզրափակել է խոսքը Ժաննա Անդրեասյանը:

Ողջույնի խոսքով հանդես է եկել նաև ԿԳՄՍ նախարարի տեղակալ Արթուր Մարտիրոսյանը: Նա ընդգծել է «Ստեղծագործ Եվրոպա» ծրագրի կարևորությունը հստակ գործիքակազմի, աջակցող մեխանիզմների առկայության տեսանկյունից և նշել՝ ճիշտ համակարգման պարագայում գրասենյակի գործունեությունը կգրանցի շարունակական հաջողություններ:

ՀՀ-ում ԵՄ դեսպան Անդրեա Վիկտորինը ևս շնորհավորել է «Ստեղծագործ Եվրոպա» հայաստանյան գրասենյակի բացման առթիվ՝ այն համարելով կարևոր քայլ մշակույթի ոլորտի բոլոր նախաձեռնություններում: Ըստ դեսպանի՝ ծրագրի նպատակն է թիրախավորել մշակույթի ոլորտում առկա կարիքները և ապահովել մշակութային բազմազանությունը Հայաստանում:

«Ստեղծագործ Եվրոպա» հայաստանյան գրասենյակի ղեկավար Սոնա Հովհաննիսյանը շնորհակալություն է հայտնել վստահության համար՝ հույս հայտնելով, որ համատեղ ջանքերը կնպաստեն գրասենյակի առաքելության իրականացմանն ու ոլորտի զարգացմանը: Բացման արարողությունն ուղեկցվել է տաղանդավոր պատանի երաժիշտների (քանոնահարներ) համերգային կատարմամբ:

ՅԵՏԱԵՐԵՐ

ՎԱՆԳԱԼԻԶՄ՝ ՎԵՐԱՆՈՐՈՎՄԱՆ ԶՈՂՈՎ

«Արցախի Հանրապետության Հաղթության 20-րդ տարեդարձի կապակցությամբ, երբ անցավ ադրբեջանական բանակի հսկողության ներքո, 1992 թ. վանդալները ոչնչացրեցին եկեղեցու մուտքի՝ 1742 թ. շինարարական արձանագրությունը, իսկ այժմ 2023 թ., երբ վանքը նորից անցել է վանդալների հսկողությանը, նրանք վանդալական ոճով «վերանորոգում» են նույն շքամուտքը»,- ֆեյսբուքյան իր էջում գրել է Հայկական ճարտարապետությունն ուսումնասիրող հիմնադրամի փոխնախագահ Ռաֆֆի Քորթոջյանը:

«Հ. Լուսանկարներում վանքի շքամուտքի արձանագրությունը մինչև ոչնչացումը, ոչնչացումից հետո և սկզբում անճանկ մի այլ ֆախի սկզբնական հենք»,- գրել է



Նա լուսանկարներ հրատարակելով վանքի:

«ԲԱՐԲԻ»-Ն՝ ՀԱՋՈՂՎԱԾՆԵՐԻ ՑՈՒՑԱԿՈՒՄ

Գրեթե Գերվիզի «Բարբի» ֆիլմը համաշխարհային կինովարձույթում պրեմիերայի առաջին հանգստյան օրերին վաստակել է 377 միլիոն ԱՄՆ դոլար. արդյունքում այն դարձել է երբեք կին ռե-

ժիսորի կողմից նկարահանված՝ համաշխարհային կինովարձույթում ամենահաջողված պրեմիերան ունեցած ֆիլմը. հայտնում է The Guardian-ը:

Հյուսիսամերիկյան կինովարձույթում (ԱՄՆ-ն և Կանադան) «Բարբի»-ն զբաղեցրել է առաջին տեղը՝ 155 միլիոն դոլարի տոմսերի վաճառքով:

Միջազգային կինովարձույթում «Բարբի»-ն վաստակել է 182 միլիոն դոլար:

Մինչդեռ, «Բարբի»-ի կինոսեզոնի «մրցակիցը»՝ Քրիստոֆեր Նոլանի «Օպենհայմերը», համաշխարհային կինովարձույթում հավաքել է 174 մլն դոլար:

ՄԱՐԶԱԿԱՆ

«ՓՅՈՒՆԻԿ»-Ը ՀԱՂԹԵՑ

Ֆուտբոլի Կոնֆեդերացիաների լիգայի որակավորման երկրորդ փուլի շրջանակներում «Փյունիկ»-ն արտագնա խաղում մրցեց շվեդական «Կալմար»-ի հետ: «Արմենարես»-ի հաղորդմամբ՝ Շվեդիայում կայացած խաղի մեկնարկում, թիմերը փոխանակվում էին գրոհներով և հստակ գործում պաշտպանությունում: «Փյունիկ»-ն էլ, «Կալմար»-ն էլ հավասար պայքար էին ծավալել: «Կալմար»-ին, սակայն, հաջողվեց մինչև ընդմիջումն առաջ անցնել հաշվի մեջ: Գոլի հեղինակ դարձավ Տրեսնսկյովը:

Երկրորդ կեսի մեկնարկում «Փյունիկ»-ը վերագտավ իր խաղը և կարողացավ իրացնել իր պահը: 55-րդ րոպեին աչքի ընկավ Յուրիչիչը: «Փյունիկ»-ն, այնուամենայնիվ, կարողացավ հաջողության հասնել և 81-րդ րոպեին Բրավոն արագ կողմնորոշվեց մրցակցի տուգանային հրապարակում և գրավեց «Կալմար»-ի դարպասը: «Կալմար»-«Փյունիկ»՝ 1:2:

Թիմերի պատասխան հանդիպումը կկայանա մեկ շաբաթ անց՝ օգոստոսի 3-ին:

ՄԵՂԱԼ ԾԱՆՐԱՄԱՐՏԻՑ

Ռումինիայի մայրաքաղաք Բուխարեստում մեկնարկել է ծանրամարտի միջև 20 և միջև 23 տարեկանների Եվրոպայի առաջնությունը, որում Հայաստանն առաջին մեղալն է նվաճել:

Միջև 20 տարեկանների պայքարում Հայաստանի ներկայացուցիչ Սեյրան Խուդանյանը (55 կգ) երկամարտի 216 կգ (95+121) արդյունքով կանգնել է պատվի հարթակի երրորդ աստիճանին և դարձել բրոնզե մեդալակիր: Հայ ծանրորդը հրում վարժությունում ևս փոքր բրոնզե մեդալ է նվաճել:

Մ20 տարեկանների պայքարում այսօր Հայաստանի ներկայացուցիչներից մրցահարթակ դուրս կգա Մերուժան Եղոյանը (61 կգ), իսկ Մ23 տարեկանների պայքարում՝ Գառնիկ Չոլակյանը (61 կգ): Հայաստանի հավաքականները մեծաքանակ կազմով են մեկնել մրցավայր՝ Մ20 տարեկանների հավաքական՝ Սեյրան Խուդանյան (55 կգ), Մերուժան Եղոյան (61 կգ), Տիգրան Կարապետյան (67 կգ), Գոռ Սահակյան, Մարտին Պողոսյան (երկուսն էլ՝ 73 կգ), Մնացական Աբրահամյան (81 կգ), Սուրեն Գրիգորյան (89 կգ), Ֆելիքս Գեորգյան (96 կգ), Գարիկ Կարապետյան (102 կգ), պահեստայիններ՝ Աշոտ Մովսիսյան, Կազգեն Գրիգորյան (+109 կգ):

Կանանց թիմում ընդգրկված են Ալեքսանդրա Գրիգորյանը (59 կգ), Անուշ Արշակյանը (64 կգ), Ալինա Սուքիասյանը (71 կգ), Աննա Ամրոյանը (76 կգ), Էմմա Պողոսյանը (81 կգ), Մարգարիտա Առաքելյանը (87 կգ) և Ջուլիետա Ավանեսյանը (+87 կգ):

Մ23 տարեկանների հավաքական՝ Գառնիկ Չոլակյան (61 կգ), Ռաֆիկ Հարությունյան, Կարեն Մարգարյան (81 կգ), Գեորգ Դահրամանյան (89 կգ, պահեստային), Արա Աղանյան (96 կգ), Պետրոս Պետրոսյան, Յաշա Մինասյան (երկուսն էլ՝ 109 կգ), Լիանա Գյուրջյան (87 կգ), Լուիզա Սահրադյան, Մերի Թումասյան (+87 կգ):

Եվրոպայի երիտասարդական առաջնությունն անցկացվում է հուլիսի 23-ից օգոստոսի 3-ը:

● Օգոստոսի 3-ին «Բոհեմ» թատրոնում տեղի կունենա «Շերշե լա ֆամ» ներկայացումը: Տոմսերի արժեքը՝ 2000-5000 դրամ: Սկիզբը՝ ժամը 19:00-ին:



Էջը՝ ԱՆՎԱՐԴ ԿՈՇԿԱԿԱՐՅԱՆԻ

ՆՊԱՍՏ

ՀԱՐՑ. Ո՞ր ոլորտն է դիմի բաղաձայնից ոլորտական նման սահմանում համար:
Մանվել Ղազարյան (62 տարեկան)



ՊԱՏԱՍԽԱՆ. Մինչև 2 տարեկան երեխա խնամող անձին պետական նպաստ է նշանակվում ԱՀ արդարադատության նախարարության կողմից ԱՀ աշխատանքի, սոցիալական և միգրացիայի հարցերի նախարարությանը տրամադրվող ծննդյան պետական գրանցումների մասին տեղեկատվության հիման վրա:

ԱՀ սոցիալական զարգացման և միգրացիայի նախարարություն

«ԺՈՂՎՈՒՐԳ». 18 տարին չլրացած անձին պետական նպաստ նշանակելու համար պետք է դիմել երեխայի ծնողի կամ խնամակալի մշտական հաշվառման վայրի, իսկ ԱՀ պաշտպանության բանակի շարքերում զինվորական ծառայություն անցնող՝ ԱՀ-ում մշտական հաշվառում չունեցող ծնողի դեպքում՝ նրա ծառայության կամ փաստացի բնակության վայրի՝ ԱՀ աշխատանքի, սոցիալական և միգրացիայի հարցերի նախարարության սոցիալական ծառայության տարածքային գործակալություն:

ԲԱՆԿ

ՀԱՐՑ. Ո՞րն է MasterCard և Visa փաթեթի սարքերությունը:
Չարություն Զոհրաբյան (20 տարեկան)



ՊԱՏԱՍԽԱՆ. VISA և MasterCard վճարային համակարգերի միջև էական տարբերություն չկա:

«Էվոկաբանկ»

«ԺՈՂՎՈՒՐԳ». Երկու քարտերն էլ միջազգային վճարային համակարգեր են, որոնք գործում են ամբողջ աշխարհում:

ԼՈՒՐ ԿԱԴՐ

Լուսանկարը՝ համացանցից



Հայաստանում հավատարմագրված դիվանագիտական կորպուսի և միջազգային կազմակերպությունների ներկայացուցիչները ժամանել են Կոռնիձոր: Նրանց ուղեցում է Հայաստանի ԱԳ փոխնախարար Վահան Կոստանյանը, նաև Սյունիքի մարզպետ Ռոբերտ Դուկասյանը:

Նրանք դիվանագետներին հեռվից ցույց են տալիս սահմանը, իսկ բեռնատարները գտնվում են ճանապարհին կանգնած:

Նշենք, որ արդեն երրորդ օրն է, որ 400 տոննա հումանիտար բեռով 19 բեռնատարները կանգնած են Կոռնիձորում և սպասում են ռուսական խաղաղապահների ու ադրբեջանական կողմի արձագանքին, որ մուտք գործեն շրջափակված Արցախ:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ **ԱՆՎՃԱՐ:**



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (**010 54-64-23** հեռախոսահամարով), և մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ

հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը և ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային ես/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



☾	Շիրակ	+12+16 +28+33	☾	Արարատ	+22+24 +38+39
☾	Կոտայքի լեռներ	+12+15 +28+32	☾	Արմավիր	+21+23 +38+39
☾	Կոտայքի նախալեռներ	+19+21 +34+36	☾	Վայոց ձորի լեռներ	+13+15 +28+30
☾	Գեղարքունիք	+12+16 +27+32	☾	Վայոց ձորի նախալեռներ	+21+24 +37+39
☾	Լոռի	+14+17 +25+28	☾	Սյունիքի հովիտներ	+18+22 +37+39
☾	Տավուշ	+16+21 +28+31	☾	Սյունիքի նախալեռներ	+14+18 +28+31
☾	Արագածոտնի լեռներ	+12+15 +27+30	☾	ԼՂՀ	+19+23 +35+39
☾	Արագածոտնի նախալեռներ	+18+23 +33+38	☾	Երեւան	+21+23 +36+38

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22^Պ/3, հեռ.՝ **010 54-64-23**
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության **27.7.2023**

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
խմբագրություն հանձնված նյութերը չեն գրայնաչափում և չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: